

臺灣府誌目次

襄平蔣毓英集公氏纂 男國祥校字

卷之一

沿革

分野

氣候

風信

封隅

卷之二

叙山

卷之三

叙川 附海道潮汐

卷之四

物產

卷之五

風俗 附土番

卷之六

歲時

規制

學校

廟宇 附養濟院

市廛 附渡橋

卷之七

戶口

田土

賦稅 附存留經費

祀典

卷之八

官制

十武衛

卷之九

人物 開拓勲臣 勝國遺裔 節烈女貞 勲封遇難

卷之十

古蹟

災祥

扼塞

險隘

目次終

臺灣府志卷之一

沿革

臺灣古荒裔之地明宣德間太監王三保下西洋舟曾過此以土番不可教化投藥於水中而去此亦得之故老之傳聞也嘉靖四十二年流寇林道乾橫行海洋專殺土番取膏血造船擾害濱海都督俞大猷征之道乾遁去占城今有其遺種天啟元年又有漢人顏思齊為東洋日本甲螺引倭彝屯聚于臺鄭芝龍附之未幾紅彝荷蘭人由西洋而來願借倭彝之地暫為栖止誘約一牛皮地即可倭彝許之紅彝將牛皮剪如繩縷周圍圍匝已有十數丈地久假不歸日繁月熾無何而鵲巢鳩居矣尋與倭約若舍此地每年願貢鹿皮三萬張倭乃以地悉歸荷蘭崇禎八年荷蘭始築臺灣赤嵌二城臺灣城即今之安平鎮城也赤嵌城即今之紅毛樓名城而實非城也規制甚小在臺灣府治西北荷蘭以夾板船為倚角善用砲攻雖兵不滿千而南北各土酋咸服聽命又設市於臺灣城外泉漳之商賈始接踵而至焉庚寅甲螺郭懷一

途矣延至辛丑偽延平王鄭成功芝龍之子也自京口喪敗其勢日蹙孤軍廈門欲圖退步乃與甲螺何斌謀進取臺地從來鹿耳門石關隱險屈曲盤旋沙浮水淺舟師非諳于水道者不得易渡鄭舟至鹿耳水忽漲十餘丈巨艦畢入非天之相此逆旅也蓋將藉手以式廓

國朝

無外之疆域也乎荷蘭與成功戰不利遂退保臺灣城歸一王歸一王紅彝以死拒之鄭師攻之不克乃環山列營以困之荷蘭謀報本國遂整夾板十餘艘與成功決戰成功因風縱火焚燒彝艦荷蘭終無降意成功使人告之曰此地乃我先人故

臺灣府志

卷之一

沿革

物今所有珍寶金銀聽汝載回但留空城還我可收臺灣為安平鎮赤嵌為承天府總名東都設一府二縣府曰承天縣曰天興萬年未幾成功死子經尚在廈門成功之弟世襲有竊踞之意鄭經攻逐之世襲渡海歸誠經嗣立改東都為東寧二縣為二州設安撫司三南北路澎湖各一於是典市厘構廟宇新街橫街是其首建之處誘致豪傑招納叛亡人民聚集漸成狡兔之窟矣辛酉經死子克塽嗣幼冲在位政出權門人心已渙逆運將終康熙二十二年八閩總制姚慎知底蘊用間謀

陰資割付到臺離散其左右以傳為霖為內應垂成而事泄為霖遇害是年

皇上赫然震怒指授方畧特簡靖海將軍侯施 統

率舟師六月專征由銅山直抵八罩灣取虎井桶盤與克之誓師戒嚴不許妄殺一人由是而百神効靈海不揚波鹹水苦軍士而海岸忽湧甘泉聚無渴患一戰而澎湖克復克塽心膽墮地識天命之有歸遂納款歸誠於是

廷議設府一曰臺灣縣三附郭曰臺灣外曰鳳山諸羅

分野

古十二州之域所以紀地而十二次之躔所以紀天二十八宿周天分布角亢始于卯翼軫終于寅各有定位後人因地占星即因星辨地遂有分野之說以十二次定十二州而以齊晉燕秦諸國貫之揚州之域東南至海屬于牛女為吳越之分先賢之論詳矣八閩界在甌粵之間原非古揚州境而地盡東南遂附隸揚州其所躔斗女之次自班固以後范蔚宗張守節僧一行之徒家不一說至于臺灣遠隔大海番彝荒島不入職方分野之辨未有定指然晉天文志十二次始角亢以東方蒼龍為之首也唐十二次始女虛以十二支子為之

首也按考臺灣地勢極于南而迤于東計其道里當在女虛之交為南紀之極亦當附于揚州之境以彰一統之盛焉

氣候

臺灣僻在東南隅地勢最下其去中州最遠故氣候與內地每不相同大約熱多于寒恒十之七故有四時皆是夏一雨便成秋之說秋無霜冬無雪獸炭貂裘無所用也故土番窮戶無衣褐亦可卒歲花卉則不時常開木葉則歷年未落瓜蒲蔬茹之類雖窮冬花秀此寒暑之氣候不同也春頻旱秋頻潦東南雲蒸則滂沱西北密雲鮮潤澤所以雲行雨施必在南風盛發之時而田穀之登歲不能再熟此雨暘之氣候不同也四時之風雨颶居多七八月間因風擊浪檣為摧檣為傾其淘沙之聲遠聞數百里外曉東暮西風之所自與中土又大異矣此風颶之氣候不同也自府治至鳳山氣候與臺邑等鳳山以南至下淡水諸處早夜東風盛發及晡鬱熱入夜寒涼冷熱失宜又水土多瘴人民易染疾病自府治直抵諸羅之半線氣候亦與臺邑等半線以北山愈深土愈燥烟瘴愈厲人民鮮至鷄籠地方孤懸海口地高風冽冬春之際時有霜雪此南北之氣候不同也

風信

白剡木爲舟剡木爲楫舟楫之利以濟不通所由來舊矣但大海波濤瞬息之間變幻莫測颶風一至人舟俱覆利之所在亦卽害之所鄰也後世人巧目甚察天地之變占時日之候或稽節序而紀風雲或察草木而知陰陽其詳備至十九取驗然皆出于慣習風波漁子舟人之推測未有紀之篇章垂之典籍使人皆指掌知所趨避焉今臺地既入版圖冠蓋皇華來往不一出於漁人舟子之所驗者能因其迹未必能窺其理若士人君子之所歷考索研究以神明其事必有深焉者矣故特附于輿志之中仍俟博問君子參訂而攷辨之

清明以後地氣自南而北則以南風爲常風霜降以後地氣自北而南則以北風爲常風若反其常寒南風而暑北風則颶風將作不可行船南風壯而順北風烈而嚴南風多則北風罕斷南風駕船非颶風之時常患風不勝帆故商賈以舟小爲速北風駕船雖非颶風之時亦患帆不勝風故商賈以舟大爲穩

風大而烈者爲颶又甚者爲颶颶常驟發颶則有漸颶或驟發倏止颶則常連日夜或數日而止大約正二三四月發者爲颶五六月七八月發者

爲颶九月則北風初烈或至接連累月俗稱爲九降風間或有颶則驟至如春颶船在洋中遇颶猶可爲遇颶不受也

過洋以四月七月十月爲穩以四月少颶日七月寒暑初交十月小陽春候天氣多晴順也最忌六月九月以六月多颶日九月多九降也十月以後北風常作然颶颶無定期舟人視風隙以來往五六月七八月應屬南風颶將發則北風先至轉而東南又轉而南又轉而西南始止颶颶俱多帶雨九降則無雨而風

五六七月間多風時風雨俱至卽俗所謂風時雨

西北雨也船人視天邊點黑如簌簌大則收帆嚴舵以待之瞬息之須風驟雨至隨刻卽止若預待少遲則收帆不及而或至覆焉

天邊有斷虹亦將颶至只現一片如船帆者曰破帆稍及半天如盤尾者曰屈盤卽東坡颶風賦所稱斷虹飲海者是也破帆甚于屈盤出于北方又甚于他方也海水驟變水而多穢如米糠及有海蛇浮游于水面亦颶將至

杳夜星辰閃動亦大風將作十二月二十一起一日有風應明年正月有大風二日應二月三月以至九月俱按日相應或

一日之間風作二次則來年所應之月颱風亦
二次焉多次則亦皆如之記而驗之無不應者
土番識颱風此草生無節則週年俱無颶一節則
颶一次二節二次多節多次無不驗者今人亦
多識此草

凡濱山等灣泊船之處南風則以南負山而南面
海者為灣北風則以北負山而南面海者為灣
南風則尋南風灣北風則尋北風灣此其常也
獨五六月應屬南風而遇北風之時不可泊
北風灣蓋以北風轉南之時呼吸變更颶雨嚴
厲以北風灣而受南山駕避不及隨刻粉碎矣

一年之月各有颶日驗之多應舟人以爲戒避不
敢行船

正月初四日舟人名爲初九日此日有玉皇

此日或無颶則各十三日名爲

二十九日名爲

二月初二日名爲

三月初三日名爲十五日名爲

二十三日名爲媽祖真人颶

三月共三十六颶此其大者

四月初八日名爲

五月初五日名爲十三日名爲

六月十二日名爲十八日名爲

二十四日名爲至二十四日止皆係大颶旬

七月十五日名爲

八月初一日名爲初五日名爲

十五日名爲十九日名爲

九月初十日名爲二十六日名爲

十一月二十七日名爲

十二月二十四日名爲二十五日名爲

二十九日名爲終俱係大颶旬名爲送年風

臺灣府志

封隅

臺灣府治在福建布政司之南東至咬狗溪大脚山五十里西至澎湖大洋水程四更除水程外廣五十里南至沙馬磯頭五百三十里北至鷄籠城二千三百一十五里延袤二千八百四十五里自府治至

京

師除海洋水程十一更外陸程七千四百一十里臺灣縣治附郭除澎湖三十六與外東至咬狗溪大脚山五十里西至澎湖大洋水程四更除水程外東西廣五十里南至鳳山縣安平鎮交界十里北至新港溪與諸羅縣交界四十里南北延袤四

臺灣府志

卷之九

鳳山縣治在臺灣府南一百二十五里東至淡水溪二十五里西至打狗仔港二十五里東西廣五十里南至沙馬磯頭三百七十里北至臺灣縣文賢里二層行溪一百二十五里南北延袤四百九十五里諸羅縣治在臺灣府北一百五十里東至大居佛二十一里西至大海三十里東西廣五十一里南至新港溪與臺灣縣交界一百四十里北至鷄籠城二千一百七十五里南北延袤二千三百一十五里

坊里

坊里在社鎮今各名號皆係時所遺

臺灣府統轄坊四里二十六庄二社四十六鎮一

外澎湖與三十六

臺灣縣轄坊四里一十五

坊

東安坊

西定坊

寧南坊

鎮北坊

里

武定里

離府治一里

永康里

離府治一里

廣儲東

離府治二里

廣儲西

離府治一里

長興里

離府治二里

新豐里

離府治四里

歸仁南

離府治二里

歸仁北

離府治二里

永豐里

離府治二里

保大東

離府治二里

保大西

離府治一里

仁德里

離府治一里

仁和里

離府治一里

文賢里

離府治三里

崇德里

離府治二里

另澎湖三十六與詳在叙山誌

鳳山縣轄里七庄二社十二鎮一

里

依仁里

離府治一里

永寧里

離府治四里

新昌里

離府治二里

長治里

離府治七里

嘉祥里

離府治五里

維新里

離府治三十里

仁壽里	離府治五里	庄	觀音庄	離府治五里	鳳山庄	離府治八十里	下淡水社	離府治一百一十五里	力力社	離府治一百七十里	茄藤社	離府治一百一十五里	放索社	離府治一百一十五里	上淡水社	離府治一百一十五里	阿猴社	離府治一百一十五里	搭樓社	離府治一百一十五里	大澤機社	離府治一百一十五里	郎嬌社	離府治一百一十五里	琉球社	離府治一百一十五里	南苑社	離府治一百一十五里	加六堂社	離府治一百一十五里	鎮	離府治一百一十五里	安平鎮	離府治一百一十五里	諸羅縣轄里四社三十四	善化里	離府治一百一十五里	新化里	離府治一百一十五里	安定里	離府治一百一十五里	開化里	離府治一百一十五里	蕭壠社	離府治一百一十五里	麻荳社	離府治一百一十五里	新港社	離府治一百一十五里	大武壠社	離府治一百一十五里	日加溜社	離府治一百一十五里	倒咯噶社	離府治一百一十五里	打狗社	離府治一百一十五里	諸羅山社	離府治一百一十五里	奇冷岸社	離府治一百一十五里	阿里山社	離府治一百一十五里
-----	-------	---	-----	-------	-----	--------	------	-----------	-----	----------	-----	-----------	-----	-----------	------	-----------	-----	-----------	-----	-----------	------	-----------	-----	-----------	-----	-----------	-----	-----------	------	-----------	---	-----------	-----	-----------	------------	-----	-----------	-----	-----------	-----	-----------	-----	-----------	-----	-----------	-----	-----------	-----	-----------	------	-----------	------	-----------	------	-----------	-----	-----------	------	-----------	------	-----------	------	-----------

大居佛社	離府治一百一十五里	他裡霧社	離府治一百一十五里	猴悶社	離府治一百一十五里	沙轆牛罵社	離府治一百一十五里	柴裡斗六社	離府治一百一十五里	東螺社	離府治一百一十五里	西螺社	離府治一百一十五里	南北投社	離府治一百一十五里	崩山社	離府治一百一十五里	新港仔社	離府治一百一十五里	南嵌社	離府治一百一十五里	南社	離府治一百一十五里	上淡水社	離府治一百一十五里	南社	離府治一百一十五里	馬之遴社	離府治一百一十五里	亞東社	離府治一百一十五里	大突社	離府治一百一十五里	半線大肚社	離府治一百一十五里	大武郡牛社	離府治一百一十五里	卷之一終
------	-----------	------	-----------	-----	-----------	-------	-----------	-------	-----------	-----	-----------	-----	-----------	------	-----------	-----	-----------	------	-----------	-----	-----------	----	-----------	------	-----------	----	-----------	------	-----------	-----	-----------	-----	-----------	-------	-----------	-------	-----------	------

臺灣府誌卷之二

叙山

臺灣之山巍然而截嶺者不可勝計因鴻濛初啟多無名號今舉其可紀者紀之誠未得十之一也其形勢則自福省之五虎門蜿蜒渡海東至大洋中起二山曰關同曰白畝者是臺灣諸山腦龍處也隱伏波濤穿海渡洋至臺之鷄籠山始結一腦扶輿磅礴或山谷或平地繚繞百餘里直抵東北而諸山頓起聳出雲霄矣龍嶺之勢不可紀極四時朝暮雲霧昏暈山常朦而不見必天清氣朗始觀衆山之形然遠望之峯嵐重疊近者青遠者碧碧之外更有尤碧者時乎雲谷日池之鄉如是者起伏二千餘里到耶嬌沙馬磯頭而山始盡深山之中人跡罕至其間人形獸跡而鳥喙鳥嘴鹿豕猴獐灑淹卵育魑魅魍魎山妖水怪亦時出沒焉相傳有金山每啟人以誕義之情然在層巒疊嶂之內山外係化外野番巢穴番獍路險人踪罕到亦不知山在何處與山之高幾何也至如仙人之山云有絳衣黑衣仙子時常下遊石蹬盤盤儼然在焉則別一洞天世界也

臺山分界

臺之山大約背東瀛面西海或又云南北相逶形

如舂箕山勢面東而背西未知孰是而郡邑居其中自木崗山

時方見山形遠望其頂每與雲霧必至天氣清朗之時

臺東之山惟此山最高而與天齊南至大崗山府

治東南此山離府三十餘里且大石三峰秀形

如冠帽中有大湖不涸俗傳明太監王三保會至

其上以土民不愛教化投其藥於水而去故今土

番凡有疾病瘡瘍者用淨水淨其愈於古蹟又傳

此山今尚有疾病瘡瘍者用淨水淨其愈於古蹟又傳

則非吉眉巒聳翠上出重霄為臺灣郡界而臺灣

縣治附之臺大崗山北為自大崗山南至沙馬磯頭

山在鳳山治西南離府治五百三十餘里其山西

仙盡大海高峻之極山頂常戴雲霧俗傳此山有

西人衣紅衣黑降游於上今有生成石碣石碣盤

至南極焉包裏絡繹環抱鞏固則為鳳山縣治大

山南為鳳山縣治大崗山北至鷄籠鼻頭山在諸羅

如鷄籠鼻頭山在諸羅城郭志城東設鏡臺一座臺

凡以此山往來洋船諸峯競秀綿亘千里則又諸羅

之縣治也木崗山北為諸羅縣界蓋鳳山諸羅雖

分縣界而遠峯近岫莫不明拱暗朝于郡治焉

臺灣縣山

臺灣縣治東北百餘里山之最高而大者曰木崗

山在大目降營之北為諸羅縣界之南為臺灣縣

大目降營又南歷保大里西保大里東至新豐永

豐二里又南底崇德里皆山也大目降營保大里

德皆臺灣所轄里名自大目降營盤至崇德里相

距百餘里其山崖峻險人跡所不能到且日藏

雲霧非天清氣朗之時不見山形故山龍從之勢
雖高無隙是為府治屏幃由是而西轉為鳳山之
大崗山小崗山此二山脫落平洋大崗山在北形
又西而半崩山在如小崗山在南其山面頗手遙望
形如半屏一名曰半崩山其山面頗手遙望
家傳有墳屋向此山者主山南面其山面頗手遙望
麓泥土低陷之者無底然打狗山在門底北其山
甚於他處石洞為安透迤而北為七崑身山打狗
平嶺七崑身之宗安透迤而北為七崑身山打狗
而石俱北其結生有然任風濤飄蕩不能崩陷上
磯生荆棘沙上生有然任風濤飄蕩不能崩陷上
多係臺內港木望之有蒼翠宛在水中央採捕之人
之居六崑身下七崑身里許脫下三崑身亦里許
四崑身相去五崑身亦里許脫下三崑身亦里許
崑身相去亦里許脫下三崑身亦里許
珠通下不亦里許脫下三崑身亦里許
中而泉之甘冽較勝於臺南府街安平鎮城即
時居民千餘家皆鳳山縣所轄山也而實為郡治
外冠北白木崗山脫迤眾山而下曰馬鞍山自木
西通至此泉山重疊不可勝記至馬鞍山乃其盡
處此山在木崗山西北狀如馬鞍故名焉其山
年有崩壞一坑裂然西轉者曰大武籠山在馬
中有崩壞一坑裂然西轉者曰大武籠山在馬
西北尤曰赤山在馬鞍山西北大武籠山在馬
高登下有龍潭見無石土赤如黃金色故名其上
廟宇志周龍潭見無石土赤如黃金色故名其上
之東北拱輔焉西至海有曰海翁堀線也然亦郡治
浮有沙線一條線南有一港港口內一大灣甚深
名為海翁堀凡過洋之船皆泊此候潮或避風
曰鹿耳門又在臺海邊下有隱形如鹿耳者皆以浮木植

標誌之見曰北線尾在鹿耳門南與安平鎮接壤
不塞志許中一港名大港紅毛南與安平鎮七崑
時甚深夾板船從此出入今淺
身會是又府治水口羅星也

鳳山縣山

鳳山之山自臺灣縣治崇德里東南諸峯蜿蜒而
來崗巒重疊勢皆南向臺南諸峯皆屬鳳山縣界
至呵猴林以北諸峯若拱若峙若盤若踞是為觀
音山五片山此中一山脫落七秀形如佛故名曰
為七星山此山有石脫落七秀形如佛故名曰
大滾水山泥此山甚高將雨如星故名曰大滾水
為小滾水山此山去大滾水山十里餘地勢與大
至溪亦為濁故山溪為尖山此山秀削故名曰隱
徐里經南赤山在鳳山縣界內故名曰隱
鳳彈諸山在鳳山縣界內故名曰隱
鳳山縣界內故名曰隱
勢見臺內轉而西為小崗山在仁壽里其山形北
與鳳山並峙者為打狗山在安平鎮其山形北
又轉而北為七崑身山在安平鎮其山形北

北條之衛也治之東其山之最聳者曰傀儡山在
治東其上番性最頑悍曰卑南覓山在傀儡山東
偽時屢征之終不順服曰卑南覓山在傀儡山東
在此山之後社東南又有二山名小河山山外大
海之中有與名尚仔與遇圍百餘里此處萬水朝
東與外又有一絕轉而南復折而西南登絳複岫
大高山名尚嶺山轉而南復折而西南登絳複岫
莫非山也有麻律律山呂佳崗山香馬干山知本
山千竹崙山山老貓離山霄貓離山加流蛋山龍鸞
哥山加覽獨山曲文菱山大坂六山大鳥萬山盡
山山援人人開山把仔更轉而西出於海為耶嬌
蓋山老佛山蜈棋嶺更轉而西出於海為耶嬌
山在沙馬磯頭山東南離為沙馬磯頭山在耶嬌
山府治五百三十餘里為沙馬磯頭山在耶嬌
其山西臨於海上頂常掛雲人觀之若有人形往
來雲中疑為仙人降游其上見古蹟志離府治五
百三而山始盡皆鳳山南溟之衛也西南洋海中
突出一峯林木蓊蔭則小琉球山也此山在鳳山
重勝府志卷之二
中遇圍約有三十餘里埼埃幾腸並無拖鳳山水
泊舟隻處上多出椰子竹木並無人居

諸羅之山自本崗山折而西向峯巒不可紀極其峙於東北者曰番米基山在本崗山之西北縣治之東北阿里山社東界至此山止自此山曰大龜佛山在阿里山社東南曰阿里山在諸羅山東山下有土番共入小社曰肚武髻山在諸羅山東北北界至此山止八掌溪牛欄溪山叠溪皆自此山出曰打利山在鹿子埔山東曰鹿子埔山在打利山西曰覆鼎山在打獵社大鼎故名此拱輔邑右者也其聳於東南者曰馬鞍山形勢見臺南縣志臺諸二縣分界之港曰新港自此山透入曰大武籠山在大

武籠社形勢見臺灣縣志山在西而赤山在開化
下有溪二條曰源溪溪曰賴溪溪曰賴溪溪曰賴溪
見臺灣縣志又西北而小龜佛山在霞山西南其形
縣山志又西北而小龜佛山在霞山西南其形
高數丈餘俗傳有蛇附焉鄉民避此居者皆拱輔
多疾病天折故農家皆徙三里之外爲舍皆拱輔
邑左者也至若文峯直插上與天齊則有山朝山
在鶴籠鼻頭山東南有土番山有買猪末山在山
朝社其南即蛤仔港三十六社有買猪末山在山
南其峯尖秀如文筆山形南即蛤仔港三十六社
社出今者北即山朝社離三日路程有黑沙鬼
山在買猪末山東南秀拔峭麗與買猪末山
末山並峙其東南即直鄉宜五社是又東北之
秀出而遠擁者也磅礴下則有斗六門諸山斗六
甚多北山在半線社界南山在大武郡社界北
尾溪東螺溪大武郡溪皆從斗六門山透出北
而猶霧山在斗六門東北貓霧社界內小龜崙山
在貓霧山北龜崙社界南曰山崙山西中港在此
此山出羣流入淡水港

山北合歡山在南日山西北出灘流入大水港又北而鷄籠鼻頭
 山見臺粵山分界志內奇獨龜崙山在錫籠鼻頭
 山圭州山千豆門山在淡東一在淡水港西二山
 夾港如門八里分山在淡東八里分山在港西兩
 枉然故名查內山在八里分山一名霄里社山下有小社一名
 山互查內山在查內山一名霄里社山下有小社一名
 時壑眩眩山在港南流入竹塹港以及小鳳山在眩
 港其山盡海北至南莫非邑之朔方外障也自鷄
 崙鼻龜崙之外爲大海海有小嶼曰鷄籠嶼在海
 與鷄籠鼻頭山曰桶盤嶼在鷄籠嶼西其嶼平曰
 相對而在其西曰鷄心嶼在石門西狀如則又臺
 旗干石形如旗干夾石因以爲名石門嶼在旗
 西一石中空如曰鷄心嶼在石門西狀如則又臺
 同門故名石門

灣之腦龍隱見處焉

臺灣府誌

卷之三

卷之二終

〔康熙〕臺灣府誌 卷三

臺灣府誌卷之三

叙川

海道

茫茫大海何處問其道塗然往來有遠近有平險不可不知也臺灣爲閩浙外障其山皆向內地所胡障百川而廻狂瀾者也北路之后壠港與興化港口南日對峙后壠而上一百二十里乃竹塹社與海壇鎮對峙竹塹而上一百五十里乃南嵌社與福州閩安鎮港口關潼對峙自南嵌至上淡水七十里與北溝相照淡水至鷄籠三百里與沙埕烽火門相照是以府縣有北路添兵以通北方海道之詳議也今之往來船隻必認澎湖爲關津從西嶼頭入或寄泊峙內或媽宮灣然後渡甘吉洋凡四更船至臺灣則澎湖三十六嶼又臺灣之門戶也其行船長年皆以北極星爲準黑夜無星可認則以指南車認定南北是皆以天文測海道若子午稍錯南犯呂宋洋遇逆風則暹羅交趾不知所之北則出溜無復人境甚而至於無力水皆道之險者也惟從澎湖來往爲正路臺灣本地南北海道自鹿耳門北至鷄籠淡水十九更船自鹿耳門南至沙馬磯頭十一更船呂宋在臺灣南七十更船

潮汐

潮汐之說古人之論詳矣謂晦朔前後月行差疾故潮長大望亦如之月弦之際月行差遲故潮之去來合沓不盡卽今海濱人以初一十五潮至日中滿初八二十三潮在蚤暮初初二十五日暮則潮平之說也又謂月臨卯酉則水漲平東西月臨子午則潮平乎南北卽今海濱人以月初上而潮生月中天而潮平月落而汐復長之說也大約水屬陰氣月爲太陰之母同類相應理所必然故候潮之法又以太陰每日所經天盤子午卯酉之位而定其消長月臨于午則爲長之極歷未及申西則消消極復長以至于子又爲長之極自是至卯而消復至于午而極盛然月順天右行積三十日始一周天每日臨于子午卯酉四時位有先後故潮因之亦有晝夜蚤暮之不同焉第至遠海之處潮候又有遠近之期蓋方之不同而氣有獨盛海之極遠其得氣又專故潮亦因之要之東與西對東海月臨酉而潮平言酉則卯如之南與北對南海月加午而潮平言午則子如之總亦水月相應之定理也至于晝潮大于春夏夜潮大于秋冬潮極漲常在春秋之中濤極大常在朔望之後又天地之常數通之四海而皆然此古人推詳之論至

備而不可易矣然亦止于九州封域之內若夫南望北斗與蒸一羊脾熟而天復明之外及今紅彝所言彼地有夏秋槩晝春冬永夜之處又洋船爲颶風所飄嘗至萬水歸東之會水皆東流而強急無復潮汐南北流愈甚則水泥而沸非東風大作不可挽回若此之處理之所窮又非人之所可測矣故方輿勝覽有欽廉瓊海之潮大小隨長短星不繫月之盛衰之說此雖未可盡信亦未可槩以爲非四域之外耳目所不經見之事荒唐儘有姑存之緒論以備參訂臺灣地屬東海地既東而月常蚤上十七八之夜月臨卯辰僅在初昏故潮水長退視同廈亦較蚤焉同廈之間初一十六潮滿于午而盡竭于卯酉初八二十三潮滿卯酉而盡竭于子午臺灣則初一十六潮滿巳亥而盡竭于寅申初八二十三潮滿寅申而盡竭于巳亥然南北亦有不同處從半線以下潮流過北汐流過南與澎湖同半線以上則潮流過南汐流過北矣浮海者惟狎知潮候據其上流方無虞也夫潮也湧從何來汐也歸于何處或吞或吐或消或長固知海水爲活水也

臺水分界

臺郡四面巨浸臺鳳諸三邑衆水攸歸郡治在木

崗山之陽夾以兩溪北爲新港與諸羅界南納鳳山之崗山溪西入于臺灣內港與鳳山界而臺灣縣治在中焉茲將三縣水道謹誌于左

臺灣縣水道

臺灣縣之爲水凡六

一曰新港通木崗山溪溪從諸羅之馬鞍山南出大目降營盤之北又西過廣儲西里又西過大目降草地至武定里從洲仔尾匯新港西入於海北臺諸界水也

一曰大目降中溪從馬鞍山之南過大目降營盤西過廣儲西里大目降草地至武定里北而與

新港會從洲仔尾西入於海

一曰大目降南溪從木崗山之西南出西過大目降營盤逶迤數里過廣儲東里之北又西北過廣儲西里大目降草地與中溪合至武定里復同新港西入於海

一曰狗咬溪從香洋仔出永豐里北過新豐里又北過保大東里保大西里又西北過廣儲東至匯於鯽仔潭合流至永康里之北西入大目降中溪至武定里同爲新港入於海

一曰大橋港小橋港合流東過武定里之南分爲二又東過永康里北爲小橋港南爲大橋港

安平鎮港潮汐從鹿耳門北至洲仔尾受新港溪流南至瀨口受鳳山之崗山溪流港內寬衍可船千艘

鳳山縣水道

鳳山之爲水凡十

一曰崗山溪出自崗山北西流過嘉祥里依仁里爲二贊行溪又西過長治里爲竹尾塢西至永寧里流入於海此臺鳳界水也

一曰濁水溪出小崗山之南山南有大滾水山出水常濁故溪之流皆濁因以爲名西北過嘉祥里長治里維新里南受鯽仔潭流西匯微羅港

入於海

一曰萬丹港在微羅港之南湖至仁壽里受崩山之小水凡四歸於海

一曰打狗仔港在觀音山庄打狗山下其港口有巨石裂成一門門甚窄僅容一艦中有港可泊船赤山庄之小流皆匯於是

一曰阿猴溪從阿猴林內山西出阿猴林又西南過羅漢文社之北而與大澤機之北溪會經搭樓社阿猴社爲巴六溪浩瀚縈迴十餘里至淡水爲淡水溪又爲漚灣溪復折而南匯於東港入於海

一曰大澤機北溪從大澤機丙山北出羅漢文社之南西流至搭樓社東轉而西北與阿猴溪合西爲淡水溪匯於東港入於海

一曰大澤機西溪從大澤機之西南山而出北過搭樓社之東與北溪合轉爲西北流入阿猴溪西爲淡水溪匯於東港入於海

一曰中港潮過赤山仔之北轉而東過上淡水之南受上下淡水赤山雜流歸諸海

一曰力力溪從力力社東南內山西北過力力社又西過淡水巡司之北同爲中港西入於海

諸羅縣水道

諸羅縣地廣山衆其爲水最多支分流折凡一十有九

太

一曰木崗山溪從木崗山之西過馬鞍山又西過新港東新化里至新港西爲新港入於海

一曰歐汪溪一從大武籠山之東南內山而出一從大武籠山西出至新港社東合流茄友仔爲茄友溪經開化里赤山之南又西過善化里安定里入於海

一曰蚊港從南北崑身外海潮過佳里興之北分南北二流東過麻豆社之北復分爲二受開化里之赤山雜流港有橋曰鐵線橋

一曰急水溪從大武籠山北西過大排竹之南又過下茄冬經倒咯咽之北西迤而與咽溪會同入於海

一曰咽溪從大武籠山北西出大武籠社過舊咽之北又西過開化里之北稍轉西北而與急水溪會入於海

一曰八掌溪自鹿子埔山東南出西過上茄冬之北諸羅山之南又西過小龜佛山逶邐數里匯於猴樹港入於海

一曰牛稠溪自鹿子埔山西發源西過覆鼎山南又西過諸羅山之北打猫社之南至南世竹西入龜子港同猴樹港而入於海

一曰山疊溪源流有三南從鹿子埔之北流過西北與中流會中從斗六門山之南流過西南與南流合逐西過覆鼎山北又北折過打猫社至石龜之南復與北流會同爲山疊溪至笨港入於海其北流則又從斗六門山西出者也經柴裡社猴悶社他里霧社而與南流中流合

一曰吼尾溪自斗六門西過柴裡社南折至猴悶社之北又折過他里霧北受麻芝干社細流至南社而西入於海

一曰東螺溪自斗六門與吼尾溪同流西至東螺

之眷里社分支北流西過西螺社又西過麻芝
于社爲北社溪西入於海

一曰大武郡溪自十六門與吼尾東螺二溪合流

西過大武郡經柴裡社之西支分北流過東螺

社大突社從二林社之北同三林港入於海

一曰大肚溪從投揀社之東南內山北過投揀社

西爲投州溪又北過柴碇仔社至水里社之南

折而西經大肚社爲大肚溪南受半線阿東二

社細流而西歸於海

一曰大甲溪出猶霧龜崙二山之間西過牛罵社

轉而西南至大甲社又西南至於崩山之房裡

茅于宛里吞詔四小社西入於海

一曰后籠溪出后籠社西過新港仔之南入於海

一曰中港潮至中港社分派從社南東過合歡山

受南日山武勞灣二流西歸於海

一曰竹塹港潮過竹塹社受眩眩山一水又東過

查內社受查內山一水西歸於海

一曰南嵌港潮過小鳳山之北南受眩眩山一流

又東北至南坎社南受查內山一流東受于豆

門一流而西歸於海

一曰淡水港從西北大潮過淡水城入于豆門轉

而東南受合歡山灘流又東過外八投南受里

末社一水又東過麻里則孝社東南受龜崙山
灘東北受鷄籠頭山灘從西北會歸於海

一曰鷄籠港其港三面皆山獨北面瀚海然西北

有籠頭線東北有鷄籠鼻山港口又有鷄籠嶼

桶盤嶼週圍甚密內可泊巨艘

澎湖三十六嶼

南嶼 橫里餘直二里亦名大嶼僞時民居稠密

今俱移在八罩嶼

花嶼 橫直里許

鐘子嶼 山石直聳形如覆鐘故名

東吉嶼 週圍餘里

西吉嶼 橫直不上里許以上四嶼並無居民

八罩嶼 週圍二里餘頗有居民冬天可泊船今

澎湖水師撥兵防守

目嶼 山形如人眼然故名

將軍嶼 上有將軍廟一座故名有港灣可以泊

船週圍里餘

虎穴嶼 形如猛虎中裂一港故名南風起澎民

張網於此及冬而歸

大貓嶼 惟石隱約如貓故名

小貓嶼 由大貓嶼脫落山形與大貓嶼如一而

小故土人呼爲大貓小貓

鳥嶼 澎有北鳥嶼有南鳥嶼北鳥嶼澎民往之以時張網捕魚南鳥嶼則無民居廣興所載必北鳥嶼無疑

桶盤嶼 嶼上一石大三丈餘周圍皆圓如桶盤故名

四角嶼 偽時設砲臺於此

西嶼頭嶼 中有二三居民此嶼即內塹外塹背

山凡船隻自內地來者登桅而望見東南水面上一有一黑痕如竹竿卽是此嶼故渡澎舟子皆以西嶼頭爲準

大山嶼 澎湖諸嶼獨此最大橫直各有十餘里民居頗多由此而下有五地曰風櫃仔尾曰峙裡

曰猪母落水曰烏嵌仔曰林投仔而媽宮前卽在此嶼水師鎮防汛在此見武衛志

牛心礁嶼 嶼下有礁如牛心形故名

香爐嶼 嶼有三層形如香爐故俗爲香爐嶼

芝舄嶼 周圍不下里許並無居民

凌波嶼 荆棘填塞四面巉巖澎民罕至

梔構嶼 嶼出紫菜澎民常往採焉

鷄膳嶼 嶼形如鷄膳子故名

員背嶼 偽時居民甚衆今止零落一二家中墩嶼

形如墩堡之狀周圍里餘居民十數家

大倉嶼 澎民罕到只一墘土耳

丁字門嶼 周圍不及里許並無居民去西嶼頭有七八里許

北山鎮海嶼 明金門防守海寇官兵常哨探鎮駐於此故名爲北山鎮海

空殼嶼 北嶼並無水利又無土產若剩一空殼故土人呼爲空殼言百物皆無也

白沙嶼 嶼之周圍皆有輕白粉沙故名

姑婆嶼 澎湖居民春往捕蠔冬往掇拾紫菜

吉貝嶼 澎民常往張網捕魚

金嶼 其嶼有黃赤色如金故土人呼之

屈仄嶼 嶼形如卧虎屈仄勢

日嶼 無居民

鐵砧嶼 山上皆石板大三四丈平坦無痕若攻

鐵之砧然故名

顏靖嶼 無居民

澎湖三十湧

娘媽宮湧 其湧可拋南北風戈船二十隻今水

師鎮防汛在此

西坎仔湧 此湧卽在娘媽宮湧外北風僅可泊

戈船三四隻

雙頭跨湧 媽宮對面有山名曰案山後有港入

到盡處卽是此灣潮退時盡是爛泥凡遇颶風官商船皆收入此灣避風

東衛灣 媽宮里餘有城曰暗灣城明俞大猷所建今壞其址尚在此轉東五里卽是此灣

西衛灣 去城西二里許

鼎圓仔灣 在東衛西去東衛灣五里許

紅羅罩灣 在東衛東去東衛灣八里許

湖東灣 在紅羅罩東有一大湖湖東西俱有民居東曰湖東灣西曰湖西灣

湖西灣 見上

龜壁港灣 在湖東灣東北相距三里許不時有

龜壁港灣 在湖東灣東北相距三里許不時有

小菓葉仔灣 在湖東灣東相距五里許

良文港灣 在紅羅罩東南相距八里許此灣可

拋南風船二十餘隻

林投仔灣 在良文港西南

烟墩仔灣 在東衛灣南相去五里許

鎖管港灣 去烟墩仔灣八里許

峙內灣 此灣在鎖管仔灣南相距五里可拋北

風船十餘艘

瓦銅港灣 在城仔灣西相距四里許前年紅毛

曾築鏡城於此外有一嶼曰桶盤嶼

通樑港灣 在瓦銅港西五里許

鎮海港灣 在城仔灣北有潭名曰萬丈潭凡官

商船遇颶風皆收入此處避風

大赤墩灣 在鎮海港西三里許

小赤墩灣 在大赤墩灣西三里許此灣去吉貝

嶼不遠只用小艇往來

外塹灣 在西嶼頭嶼裡面

內塹灣 去外塹灣僅有三里之地凡自廈門來

澎湖者多拋船於此二灣風浪甚穩

竹篙灣 離內塹灣五里之地

輯馬灣 去竹篙灣僅有五里許此灣盡處對過

通樑山有一門曰吼門流水湍急船罕出入

八罩灣 與將軍灣相連可泊船

大嶼灣

花嶼灣

東吉灣

西吉灣 以上四灣俱小灣僅小漁艇泊此候流

耳

水利

臺灣縣水利

甘棠潭在保大東里係佃民私築以防秋旱原多

生甘棠樹故名之